

ხელშეკრულება N 172
სახელმწიფო შესყიდვის შესახებ

ქ. ბათუმი

21 სექტემბერი 2018 წელი

ერთის მხრივ, აჭარის ავტონომიური რესპუბლიკის ფინანსთა და ეკონომიკის სამინისტრო, წარმოდგენილი ადმინისტრაციული დეპარტამენტის უფროსის - I სტრუქტურული ერთეულის ხელმძღვანელის - არჩილ სირაბიძის სახით, მოქმედი აჭარის ავტონომიური რესპუბლიკის ფინანსთა და ეკონომიკის მინისტრის 2016 წლის 13 აპრილის №ს-162 ბრძანებით მინიჭებული უფლებამოსილების საფუძველზე (შემდგომში „შემსყიდველი“) და მეორეს მხრივ შპს „არტსტუდიო-პროექტი“, წარმოდგენილი დირექტორის ირენე სკალვინის სახით (შემდგომში „მიწოდებელი“), კონკურსის ჩატარების შედეგად (საკონკურსო განცხადება CNT180000041, კლასიფიკატორის (CPV) კოდი 71400000) ვაფორმებთ წინამდებარე ხელშეკრულებას სახელმწიფო შესყიდვის შესახებ შემდეგზე:

1. ხელშეკრულების საგანი და ღირებულება

- 1.1. შესყიდვის ობიექტია: მაჭახელას ხეობის ეთნოსოფელის ქალაქმშენებლობითი დოკუმენტაციის (განვითარების გეგმა-კონცეფცია) შედგენის მომსახურება.
- 1.2. ხელშეკრულების საერთო ღირებულება შეადგენს **454300** (ოთხას ორმოცდაათოთხმეტი ათას სამასი) ლარს.

2. ხელშეკრულების შესრულების კონტროლი

- 2.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი რათა დარწმუნდნენ მათ შესაბამისობაში კონტრაქტით გათვალისწინებულ ტენიკურ პირობებთან.
- 2.2. ამ მუხლის არცერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.
- 2.3. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს აჭარის ავტონომიური რესპუბლიკის ფინანსთა და ეკონომიკის სამინისტროს სამუშაო ჯგუფი შემდეგი შემადგენლობით: აჭარის ავტონომიური რესპუბლიკის ფინანსთა და ეკონომიკის სამინისტროს სივრცითი მოწყობისა და ტექნიკური ზედამხედველობის დეპარტამენტის უფროსი - I სტრუქტურული ერთეულის ხელმძღვანელი - ნუგზარ ძნელაძე, სამართლებრივი უზრუნველყოფისა და სახელშეკრულებო მონიტორინგის დეპარტამენტის უფროსის მოადგილე - I სტრუქტურული ერთეულის ხელმძღვანელი - გიორგი მიქელაძე, სამშენებლო ზედამხედველობის განყოფილების უფროსი - II სტრუქტურული ერთეულის ხელმძღვანელი - ზაალ ბაჯელიძე და ურბანული განვითარების განყოფილების უფროსი - II სტრუქტურული ერთეულის ხელმძღვანელი - სულხან მამუქაძე.

3. შესყიდვის ობიექტის მიწოდების ვადები, პირობები და ადგილი

- 3.1. შესყიდვის ობიექტის მიწოდება განხორციელდება ხელშეკრულების გაფორმების თარიღიდან 2019 წლის 21 მაისის ჩათვლით.
- 3.2. შესყიდვის ობიექტის მიწოდების ვადები და პირობები დეტალურად მოცემულია გეგმა-გრაფიკში - დანართი N3.
- 3.3. საავტორო უფლებები მიმწოდებელმა შემსყიდველს სრულად უნდა გადასცეს, რაზედაც შემდგომში არ ექნება პრეტენზიები (მოთხოვნები) მას ან/და მის სამართალმემკვიდრეს.

- 3.4. პროექტში დაშვებულ ხარვეზს მიმწოდებელი აღმოფხვრის საკუთარი ხარჯებით დამატებითი ანაზღაურების გარეშე შემსყიდველის მითითებიდან არაუგვიანეს 15 კალენდარული დღისა.
- 3.5. მაჭახელას ხეობის ეთნოსოფელის ქალაქმშენებლობითი დოკუმენტაცია (განვითარების გეგმა-კონცეფცია) წარმოდგენილი უნდა იქნას ქართულ ენაზე, 5 (ხუთი) ეგზემპლარად და ელექტრონული ვერსიით.
- 3.6. შესყიდვის ობიექტის მიწოდების ადგილია ქ. ბათუმი, მ.კომახიძის ქ. №119, აჭარის ავტონომიური რესპუბლიკის ფინანსთა და ეკონომიკის სამინისტრო.

4. შესყიდვის ობიექტის მიღება-ჩაბარების წესი

- 4.1 შესყიდვის ობიექტი ან მისი ნაწილი ჩაითვლება მიღებულად მიღება-ჩაბარების აქტის გაფორმების შემდეგ.
- 4.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოდგენოს შემსყიდველს საქართველოს კანონმდებლობით გათვალისწინებული შესაბამისი ფინანსური დოკუმენტაცია.
- 4.1. შესყიდვის ობიექტის მიღება-ჩაბარებაზე პასუხისმგებელია აჭარის ავტონომიური რესპუბლიკის ფინანსთა და ეკონომიკის სამინისტროს სამუშაო ჯგუფი შემდეგი შემადგენლობით: აჭარის ავტონომიური რესპუბლიკის ფინანსთა და ეკონომიკის სამინისტროს სივრცითი მოწყობისა და ტექნიკური ზედამხედველობის დეპარტამენტის უფროსი - I სტრუქტურული ერთეულის ხელმძღვანელი - ნუგზარ ძნელაძე, სამართლებრივი უზრუნველყოფისა და სახელშეკრულებო მონიტორინგის დეპარტამენტის უფროსის მოადგილე - I სტრუქტურული ერთეულის ხელმძღვანელი - გიორგი მიქელაძე, სამშენებლო ზედამხედველობის განყოფილების უფროსი - II სტრუქტურული ერთეულის ხელმძღვანელი - ზაალ ბაგელიძე და ურბანული განვითარების განყოფილების უფროსი - II სტრუქტურული ერთეულის ხელმძღვანელი - სულხან მამუჭაძე.

5. ანგარიშსწორება

- 5.1 ანგარიშსწორება მოხდება უნაღდო ანგარიშსწორებით ლარში.
- 5.2 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. სამუშაოების პირველი ეტაპის მიღება-ჩაბარების აქტის გაფორმების შემდეგ, მიმწოდებელი ვალდებულია წარმოადგინოს ხელშეკრულების საერთო ღირებულების შესაბამისი ავანსის მოთხოვნა, საქართველოს რეზიდენტი საბანკო დაწესებულების (არარეზიდენტი პირების მიერ დასაშვებია უცხოური ბანკის მიერ გაცემული გარანტია, რომელიც დამოწმებული უნდა იქნას საქართველოში მოქმედი საბანკო დაწესებულების) ან ს.ს.ი.პ. „საქართველოს დაზღვევის სახელმწიფო ზედამხედველობის სამსახურის" მიერ ლიცენზირებული სადაზღვევო კომპანიის/დაწესებულების მიერ გაცემული შესაბამისი ოდენობის წინასწარი გადახდის უპირობო გამოუთხოვად საბანკო გარანტიასთან ერთად. საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულებით გათვალისწინებული სამუშაოების შესრულების ვადას.
- 5.3 ანგარიშსწორება განხორციელდება გაწეული მომსახურების შესაბამისად გაფორმებული ხელშეკრულების პირველი ეტაპით გათვალისწინებული სამუშაოების მიღება-ჩაბარების აქტისა და საგადასახადო ანგარიშფაქტურის წარმოდგენიდან 10 (ათი) სამუშაო დღის განმავლობაში.

6. ხელშეკრულების შესრულების გარანტია

- 6.1 ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილია სს „საქართველოს ბანკი“-ს მიერ 2018 წლის 20 სექტემბერს გაცემული საბანკო გარანტია **N PE42894-18**.
- 6.2 გარანტიის ოდენობა განსაზღვრულია ხელშეკრულების ჯამური ღირებულების 5%-ის ოდენობით, კერძოდ 22715 (ოცდაორი ათას შვიდას თხუთმეტი) ლარზე. აღნიშნული საბანკო გარანტია ძალაშია 2018 წლის 20 სექტემბრიდან 2019 წლის 30 ივნისის ჩათვლით.
- 6.3 ხელშეკრულების 6.1 პუნქტში აღნიშნული საბანკო გარანტია უნდა ითვალისწინებდეს ბანკის უპირობო ვალდებულებას საბანკო გარანტიის სრული თანხის შემსყიდველისათვის ანაზღაურებაზე. ხელშეკრულების შესრულების უზრუნველყოფის საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიაღდება შემსყიდველს მიმწოდებლის მიერ ხელშეკრულების პირობების შეუსრულებლობის, ან არაჯეროვნად შესრულების, ან ხელშეკრულების შეწყვეტის შემთხვევაში, ან შესრულებული სამუშაოების დამთავრების შემდეგ გამოვლენილი ხარვეზის ან ხარისხის გაუარესების აღმოუფხვრელობის გამო, აგრეთვე, შემსყიდველის მიერ პირგასამტეხლოს გამოყენებისა და ხელშეკრულებით გათვალისწინებულ სხვა შემთხვევებში.
- 6.4 ხელშეკრულების შესრულების უზრუნველყოფის საბანკო გარანტიით განხორციელებული გადახდა არ ათავისუფლებს მიმწოდებელს ხელშეკრულების შეუსრულებლობით შემსყიდველისათვის მიყენებული და საგარანტიო თანხით აუნაზღაურებელი ზიანის (ზარალის) ანაზღაურების ვალდებულებისაგან.
- 6.5 ხელშეკრულების მოქმედების ვადის გადავადების (გაგრძელების) შემთხვევაში (მიუხედავად იმისა თუ ვისი, ან რა მიზეზით მოხდა აღნიშნული ვადის გადავადება), მიმწოდებელი ვალდებულია შემსყიდველის წერილობითი მოთხოვნიდან 5 სამუშაო დღის განმავლობაში გააგრძელოს საბანკო გარანტია იმგვარად, რომ ხელშეკრულების უზრუნველყოფის გარანტიის ვადა 30 (ოცდაათი) დღით აღემატებოდეს ხელშეკრულებით გათვალისწინებული სამუშაოების დასრულების ვადას.
- 6.6 მიმწოდებლის მიერ წინამდებარე ხელშეკრულებით გათვალისწინებული ვალდებულების შეუსრულებლობის ან არაჯეროვნად შესრულების შემთხვევაში (თუ მიმწოდებელი შემსყიდველის წერილობითი მიმართვიდან 10 სამუშაო დღის ვადაში არ აღმოფხვრის ხარვეზს), შემსყიდველი უფლებამოსილია სრულად გამოიყენოს ხელშეკრულების უზრუნველყოფის საბანკო გარანტია მიმწოდებელთან ხელშეკრულების შეწყვეტის ან მისი არ შეწყვეტის შემთხვევაში.

7. ფასები

- 7.1 მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.
- 7.2 ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.
- 7.3 ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.
- 7.4 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 7.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

8. ხელშეკრულებაში ცვლილებების შეტანა

- 8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.
- 8.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9 უფლებების გადაცემა

- 9.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

10 სუბკონტრაქტორები

- 10.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკებების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.
- 10.2 ამ ხელშეკრულების ფარგლებში დადებული ყველა სუბ-კონტრაქტორის ასლი უნდა წარედგინოს შემსყიდველს.
- 10.3 ამ ხელშეკრულების ფარგლებში დადებული არცერთი სუბ-კონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

11 ხელშეკრულების პირობების შეუსრულებლობა

- 11.1 მიმწოდებლის მიერ მომსახურების მიწოდების ვადების დარღვევის ან/და არაჯეროვნად შესრულების შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 0,1%-ის ოდენობით ყოველ ვადაგადაცილებულ დღეზე.
- 11.2 ხელშეკრულებით ნაკისრი ვალდებულებების სრულად შეუსრულებლობის გამო მიმწოდებელთან ხელშეკრულების შეწყვეტის შემთხვევაში მიმწოდებელს დამატებით დაეკისრება პირგასამტეხლო ხელშეკრულების საერთო ღირებულების 10%-ის ოდენობით.
- 11.3 იმ შემთხვევაში, თუ ვადების გადაცილებით გადახდილი (ან გადასახდელი) პირგასამტეხლოს მთლიანი თანხა გადააჭარბებს ხელშეკრულების ჯამური ღირებულების 5%-ს, შემსყიდველს უფლება აქვს შეწყვიტოს ხელშეკრულება.

12 ფორს-მაჟორი

- 12.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 12.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13 სადაო საკითხების გადაწყვეტა

- 13.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 13.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულებით სხვა რამ არ არის გათვალისწინებული.

14 გამოყენებული სამართალი

- 14.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15 ხელშეკრულების ენა

- 15.1 ხელშეკრულება შედგენილ უნდა იქნეს ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე შედგენილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

16 გადასახადები და დაბეგვრა

- 16.1 უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახადების გადახდაზე, რომლებიც გადასახდელია საქართველოს ფარგლებში და მის გარეთ.
- 16.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახადების გადახდაზე, თუ ხელშეკრულებით სხვა რამ არ არის გათვალისწინებული.



17 ხელშეკრულების მოქმედების ვადა

- 17.1 წინამდებარე ხელშეკრულება ძალაშია წინამდებარე ხელშეკრულების გაფორმების თარიღიდან 2019 წლის 30 ივნისის ჩათვლით.

18 სხვა პირობები

- 18.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 18.2 მესამე პირთან ურთიერთობაში მხარეები მოქმედებენ საკუთარი სახელით, ხარჯებითა და რისკით.
- 18.3 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი ეგზემპლარი - მიმწოდებელს, ხოლო ორი ეგზემპლარი - შემსყიდველს). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 18.4 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

19 მხარეთა იურიდიული მისამართები და რეკვიზიტები

<u>„შემსყიდველი“</u>	<u>„მიმწოდებელი“</u>
აჭარის ავტონომიური რესპუბლიკის ფინანსთა და ეკონომიკის სამინისტრო	შპს „არტსტუდო პროექტი“
ტელ: (422) 27-35-10	ტელ: (+995 32) 2915254, 599700300
მისამართი: ქ. ბათუმი, მ. კომახიძის ქუჩა N119	იურიდიული მისამართი: ქ. თბილისი, გ. ტაბიძის ქ N3/5 ფაქტიური მისამართი: ქ. თბილისი, ზ.საკანდელიძის ქ. N3, მეტრა პარკის მე-4 კორპუსი, 0179
საიდენტიფიკაციო კოდი - 245429200	საბანკო რეკვიზიტები: სს „საქართველოს ბანკი“ ბანკის კოდი - BAGAGE22 ა/ნ - GE05BG0000000119334000
ადმინისტრაციული დეპარტამენტის უფროსი:	საიდენტიფიკაციო კოდი - 204489393 დირექტორი:
 /ა. კიკნაძე/ ბ. ა.	 /ი. სვალავინი/ ბ. ა.



ტექნიკური დავალება

შესყიდვის ობიექტს წარმოადგენს ხელვაჩაურის მუნიციპალიტეტში, მაჭახლის ხეობაში „ეთნოსოფელი“-ს მოწყობისათვის კვლევებზე დაფუძნებული, ქალაქთმშენებლობითი დოკუმენტის (განვითარების გეგმა-კონცეფცია) შედგენა

აჭარის ავტონომიური რესპუბლიკის ფინანსთა და ეკონომიკის სამინისტრო აცხადებს კონკურსს, მაჭახელას ხეობის ეთნოსოფელის ქალაქთმშენებლობითი დოკუმენტის (განვითარების გეგმა-კონცეფცია) შედგენისთვის და იწვევს კონკურსში მონაწილეობის მისაღებად ყველა იმ დაინტერესებულ პირს, რომელიც მზად არის დააკმაყოფილოს საკონკურსო პირობები.

მაჭახელას ხეობის მოკლე მიმოხილვა

მაჭახელას ულამაზეს ხეობას უძველესი ისტორია აქვს. ის განთავსებულია ქალაქ ბათუმიდან სამხრეთ-აღმოსავლეთ მხარეს, მდინარე ჭოროხისა და მაჭახელას შესართავიდან, თურქეთის რესპუბლიკის საზღვრამდე. მაჭახელა მიმზიდველია უნიკალური ბიოლოგიური და ლანდშაფტური მრავალფეროვნებით, კოლხური ტყეების სისტემით, ისტორიით, არქეოლოგიურ-კულტურული ძეგლებით, ეთნოგრაფიითა და ყოფა-ცხოვრებით. ხეობამ სახელი გაითქვა თოფი „მაჭახელა“-ს დამზადებით, რომელიც საფუძველს ღებულობს XVII საუკუნიდან და ის გავრცელებული იყო კავკასიასა და მსოფლიოს სხვა ქვეყნებში. ფრანგი მოგზაური ჟან მურიე, რომელმაც მე-19 საუკუნის ბოლოს იმოგზაურა აჭარაში წერს, რომ ქედის ბაზრობაზე მოსახლეობას მაუდის, კარაქის, ხილისა და სხვადასხვა ნაწარმთან ერთად გასაყიდად ჰქონდათ გამოტანილი თოფის ლულები.

მაჭახელას ხეობაში შეიქმნა ეროვნული პარკი, რომელიც ეკოლოგიური დერეფნის ნაწილს წარმოადგენს, სამხრეთ-დასავლეთ საქართველოს დაცულ ტერიტორიებსა (კერძოდ, მტირალას ეროვნულ პარკსა და კინტრიშის დაცულ ტერიტორიებს) და ჩრდილო-აღმოსავლეთ თურქეთის დაცულ ტერიტორიებს (კერძოდ, ჯამილის ბიოსფერულ რეზერვატს) შორის. მაჭახელას ხეობა ხასიათდება ენდემური და რელიქტური სახეობების იშვიათი მრავალფეროვნებით. ტერიტორია ასევე მდიდარია ფაუნის თვალსაზრისითაც.

მნიშვნელოვანია აგრეთვე ორგანული სოფლის მეურნეობის, ადგილობრივი არქიტექტურისა და კულტურული მემკვიდრეობა. მაჭახლის ხეობა ტურისტული ინტერესის საგანს წარმოადგენს. აქ გვხვდება სხვადასხვა პერიოდის თაღოვანი ხიდები, ციხეები, ქვითკირით ნაშენი ღვინის საწნახელები და მარნები, მურყანის კორომები, წიფლისა და წაბლის ტყეები. მდინარე მაჭახელას ხეობისა და მდინარე ჭოროხის შესართავთან, მთავარანგელოზის მთიდან ულამაზესი ხედები იშლება ზღვის მიმართულებით.

პროექტის მიზნები, ამოცანები და მოსალოდნელი შედეგები

მიზნები:

მაჭახელას ხეობის ეთნოსოფლის განვითარების ძირითადი მიზნებია:

- ბუნებრივი გარემოს დაცვა;
- ადგილობრივი კულტურული გარემოს მიზანმიმართული განვითარება/ხელშეწყობა;
- ადგილობრივი ეკონომიკის განვითარებისა და დასაქმების ხელშეწყობა.

ამოცანები:

მაჭახელას ხეობის ეთნოსოფლის განვითარების მიზნების საპასუხოდ განსაზღვრული ამოცანებია:

- ✓ ხეობის კულტურულ-ეთნოგრაფიული ღირებულებების (ყოფა-ცხოვრება, წეს-ჩვეულებები, ტრადიციები, ფოლკლორი, არქიტექტურა, გასტრონომია და სხვა) დაცვა და პოპულარიზაცია;
- ✓ ხეობაში ჰარმონიული ეკონომიკური აქტივობების გაზრდის ხელშეწყობა;
- ✓ ხეობისათვის დამახასიათებელი უნიკალური კულტურულ-ეთნოგრაფიული ღირებულებების გამოვლენა და რეკომენდაციების მომზადება მათი აღდგენა/შენარჩუნების შესახებ;
- ✓ ეთნოსოფლის დაგეგმვის და განხორციელების ძირითადი მიმართულებების განსაზღვრა;
- ✓ მდგრადი ტურიზმის განვითარების ხელშეწყობა;
- ✓ ტყის, მდინარის და ხევების დაცვის არეალების განსაზღვრა;
- ✓ ბუნებრივი საფრთხეების გამოვლენა;
- ✓ საინჟინრო ინფრასტრუქტურის დაგეგმვა;
- ✓ ენერგოეფექტურობის საკითხების შემუშავება ტრადიციული და ალტერნატიული ენერგიების გამოყენების საფუძველზე;
- ✓ საზოგადოებრივი სივრცეების დაცვა და განვითარება;
- ✓ ტურისტულ-საინფორმაციო მომსახურების ცენტრების განვითარება;
- ✓ რეგიონული და ადგილობრივი დონის ტურისტული მარშრუტების დაგეგმვა და განვითარება;
- ✓ განვითარების ეტაპებისა და რიგითობის განსაზღვრა;
- ✓ კერძო და სახელმწიფო ინტერესების შეჯერება;

მოსალოდნელი შედეგი:

მაჭახელას ხეობის ეთნოსოფლის განვითარების მოსალოდნელი შედეგებია:

1. გაუმჯობესებული საარსებო და საცხოვრებელი გარემო;
2. კულტურულ-ეთნოგრაფიული ღირებულებების შენარჩუნება;
3. მდგრადი და კონკურენტუნარიანი განვითარების მოდელი;
4. დაგეგმილი განვითარება და წინაპირობა სახელმწიფო და კერძო ინვესტიციების გაზრდის შესახებ;

5. ტურისტულად მიმზიდველი და ეკონომიკურად აქტიური დანიშნულების ადგილი.

კონკურსანტმა უნდა წარმოადგინოს:

1. წინასაპროექტო კვლევა:

- მაჭახელას ხეობაში „ეთნოსოფელი“-ს განვითარებისათვის კვლევების ჩატარების ძირითადი მიმართულებების, მიზნებისა და ხედვის განსაზღვრა. კვლევების მეთოდოლოგიისა და გამოსაყენებელ მასალათა შესახებ ინფორმაცია.
- საპროექტო არეალის განსაზღვრა.

2. განვითარების კონცეფციის ძირითადი ჩარჩო:

- წინასაპროექტო კვლევების საფუძველზე შემუშავებული საპროექტო არეალის მიზნობრივი განვითარების კონცეფციის ჩარჩო.
- კონცეფციის შემუშავების ძირითადი მიმართულებები და ინსტრუმენტები.

შენიშვნა: წარმოსადგენი მასალა უნდა შედგებოდეს როგორც ტექსტური, ასევე გრაფიკული მასალისაგან.

ქალაქმშენებლობითი დოკუმენტის (განვითარების გეგმა-კონცეფცია) შემადგენლობა მაჭახელას ხეობის ეთნოსოფლის განვითარების გეგმის კვლევისა და სტრატეგიული ხედვის (კონცეფციის) ეტაპი შედგება:

- ფიზიკური გარემოს კვლევა;
- დოკუმენტური კვლევა;
- სტრატეგიული განვითარების ხედვა, განვითარების გეგმა (კონცეფცია);

ფიზიკური გარემო

ტექსტურ ნაწილი სულ მცირე, უნდა მოიცავდეს:

- ✓ სამოქმედო-საპროექტო არეალის განსაზღვრას;
- ✓ არეალის შეფასებას რეგიონულ ჭრილში;
- ✓ ეთნოსოფლის დაგეგმვის და განხორციელების ძირითად მიმართულებებს;

- ✓ ხეობისათვის დამახასიათებელი კულტურულ-ეთნოგრაფიული ფასეულობების გამოვლენას და დღევანდელი სიტუაციის აღწერას;
- ✓ ისტორიულ-კულტურულ (არქეოლოგია, ეთნოგრაფია, კულტურული მემკვიდრეობა და სხვა) პოტენციალს;
- ✓ ხეობის ტურისტული პოტენციალის შესწავლას და ტურისტული პროდუქტების შესაძლებლობების გამოვლენას;
- ✓ გარემოს დაცვით საკითხებს;
- ✓ ადგილობრივი კლიმატური პირობების შეფასება;
- ✓ არსებული სოციალურ-ეკონომიკური (სოფლის მეურნეობა, წარმოება, განათლება და სხვა) მდგომარეობის შეფასებას;
- ✓ დემოგრაფიისა და მიგრაციის ანალიზს;
- ✓ ენერგეტიკის საკითხებს;
- ✓ ტრანსპორტის საკითხებს;
- ✓ ხეობისათვის დამახასიათებელ გასტრონომიას;
- ✓ ხეობისათვის დამახასიათებელ სახალხო რეწვას;
- ✓ SWOT ანალიზს;

მაჭახელას ხეობაში პროექტის „ეთნოსოფელი“-ს განვითარების კონცეფციის შემუშავებისა და საბოლოო მიზნების მისაღწევად, საჭიროების შემთხვევაში გამოყენებულ იქნას დამატებითი კვლევები.

გრაფიკული ნაწილი სულ მცირე, უნდა მოიცავდეს:

- რეგიონული კონტექსტის შეფასებასა და სიტუაციურ გეგმებს;
- განახლებულ ორთო-ფოტო გადაღებას;
- ტოპოგეგმას;
- კულტურული მემკვიდრეობის ძეგლებს და ობიექტების რუკებს და ფოტო-მასალებს;
- საავტომობილო გზების და ქუჩების, საინჟინრო კომუნიკაციების არსებული ქსელების რუკებს;
- მნიშვნელოვან სახელმწიფო ზრუნვის პოტენციურ ადგილებს (მნიშვნელოვანი ბიომრავალფეროვნების ადგილებს, ისტორიულ-კულტურულ ლანდშაფტის, ისტორიული ძეგლებისა და სხვა არქიტექტურული ღირებულების მქონე შენობა-ნაგებობებს, ეროვნულ ან რეგიონულ პარკებს, დაცულ ტერიტორიებს);
- ბუნებრივი საფრთხის შემცველ ადგილებს;
- ზოგად გეოლოგიას;
- არსებული საკუთრების რუკებს;
- ხეობაში არსებული სასოფლო-სამეურნეო საქმიანობის რუკები;
- რელიეფის სამგანზომილებიან მოდელებს და ჭრილებს;
- რელიეფის ანალიზს (სიმაღლე, ასპექტი, მზის რადიაცია, დაჩრდილვა, ასპექტი, ფერდობების დახრილობა);
- არსებული განაშენიანების ასახვას;
- მოსალოდნელი კონფლიქტური არელების და საკითხების რუკებს;

- რეგიონალური და ადგილობრივი მნიშვნელობის ნებისმიერ სხვა საკითხის ასახვას, რომელიც შეიძლება გრაფიკულად გამოიხატოს.

დოკუმენტური კვლევა

დოკუმენტური კვლევა სულ მცირე უნდა მოიცავდეს:

- სამართლებრივი აქტების, სამართლებრივი რეჟიმებისა და კანონქვემდებარე აქტების მონაცემების შეგროვებას და მიმოხილვას;
- არსებობის შემთხვევაში მართვის საკანონმდებლო ჩარჩოებს და გამოწვევებს;
- არსებული ქალაქთმშენებლობითი დოკუმენტების მონაცემების მიმოხილვას.

სტრატეგიული განვითარების ხედვა (კონცეფცია)

სტრატეგიული განვითარების ხედვა სულ მცირე, უნდა მოიცავდეს:

- კვლევის საფუძველზე გამოვლენილი მნიშვნელოვანი საკითხების ხაზგასმას;
- ეთნოსოფლის დაგეგმვის და განხორციელების საჭიროების ზოგად მიმოხილვას;
- განაშენიანებული ტერიტორიის დეტალური ანგარიშის წარმოდგენას ხეობის შესაბამისი ღირებულებების (ყოფაცხოვრება, წეს-ჩვეულებების, ტრადიციების, ფოლკლორის, არქიტექტურის და ა.შ.) და მათი სტატუსის შესახებ;
- ტურისტული ინფრასტრუქტურის სქემებს;
- განვითარების სტრატეგიების ვერსიებს;
- სარესტავრაციო, აღდგენა/ადაპტაციის ობიექტების გამოვლენასა და ძირითადი პრინციპების განხილვას;
- ძლიერი, სუსტი მხარეების, შესაძლებლობებისა და საფრთხეების შეფასებას;
- მოსალოდნელი კონფლიქტების გამოკვეთას და მათდამი მიდგომებს;
- ეკონომიკური ელემენტის მნიშვნელოვან ასპექტებს - დასაქმების, საცხოვრისის და სოციალური ინფრასტრუქტურის გაუმჯობესების შესაძლებლობების და გზების განსაზღვრას;
- ტურისტული ინფრასტრუქტურის საჭიროებებს და განვითარების ხედვას;
- კულტურული ლანდშაფტის და გარემოს დაცვისა და განვითარების ხედვებს;
- განვითარების პოტენციალის ტექნიკურ-ეკონომიკურ დასაბუთებას.
- რეგიონული კონტექსტის შეფასებასა და სიტუაციურ გეგმებს;
- მაჭახელას ეროვნული პარკისა და ხეობის სოფლების ურთიერთკავშირის მნიშვნელოვანი ელემენტების შეფასებას;
- სოციალური ინფრასტრუქტურის საჭიროების დასაბუთებას;
- ქუჩების და გზების სქემებს, პარამეტრებს, დიზაინის სარეკომენდაციო ელემენტებს, საფეხმავლო ბილიკებს და ტურისტული ინფრასტრუქტურის გეგმას;
- საინჟინრო ინფრასტრუქტურის განვითარების პრინციპებს

- საჭიროების შემთხვევაში კუკტურული მემკვიდრეობის დამცავი პრინციპებს;
- დაცული ლანდშაფტის მოთხოვნების გათვალისწინებას;
- საჭიროების შემთხვევაში სანიტარიული ზონების საჭიროების დასაბუთებას;
- საჭიროების შემთხვევაში გეგმის სხვა ელემენტებს.

აუცილებელი დამატებითი მოთხოვნა:

- კვლევების ჩატარება უზრუნველყოს საჯაროობისა და დაინტერესებული მხარეების მაქსიმალური ჩართულობით და განვითარების გეგმა წარმოდგენილ იქნას ყველა დაინტერესებულ მხარეებთან საბოლოო შეჯერების საფუძველზე. დაინტერესებულ პირებთან შეუთანხმებლობის შემთხვევაში წარმოდგენილ იქნას მყარი არგუმენტები დაგეგმილი საკითხების რეალიზებასთან დაკავშირებით;
 - შემუშავდეს ეთნოსოფელის მართვის გეგმა;
 - საჭიროების შემთხვევაში, მიზნების მისაღწევად დადგინდეს გამოსასყიდი მიწის ნაკვეთების კონტურები;
 - განვითარების გეგმის ფარგლებში დადგინდეს დეტალური საპროექტო სამუშაოების ნუსხა, შესასყიდი ობიექტების ტექნიკურ დავალებებთან ერთად, შემდგომში მათი სახელმწიფო შესყიდვის მიზნით.
 - საჭიროების შემთხვევაში დააზუსტოს იმ შენობა-ნაგებობებისა და მატერიალური ნივთების ნუსხა და პასპორტიზაცია, რომლებზეც საჭირო იქნება გადატანის სამუშაოების ჩატარება;
 - მომზადდეს რეკომენდაციები საპროექტო არეალში, საკვანძო ადგილებში განთავსებული შენობა-ნაგებობების ვიზუალური აღქმის არეალში ფონური შენობების, ღობეების, არქიტექტურული დეტალებისა აღდგენის, შეკეთების ან დემონტაჟის შესახებ.
- ასევე წარმოდგენილ იქნას რეკომენდაციები (გაბარიტები, სტილი, მასალა და სხვა) აღნიშნულ ზონაში მოქცეული სარეკლამო წარწერებისა და აბრების განთავსების შესახებ.

შემსყიდველი



მიმწოდებელი



სამუშაოების შესრულების გეგმა-გრაფიკი

	სამუშაოს დასახელება	I ეტაპი	II ეტაპი	შენიშვნა
№	მაჭახელას ხეობის ეთნოსოფელის ქალაქთმშენებლობითი დოკუმენტაციის (განვითარების გეგმა- კონცეფცია) შედგენის მომსახურება	ხელშეკრულების გაფორმებიდან არაუგვიანეს 2018 წლის 20 დეკემბერი	ხელშეკრულების გაფორმებიდან არაუგვიანეს 2019 წლის 21 მაისი	

შემსყიდველი



მიმწოდებელი





საქართველოს ბანკი ბიზნესი

ხელშეკრულების შესრულების საბანკო გარანტია # PE42894-18

20 სექტემბერი 2018 წელი

თბილისი

გარანტი: სს საქართველოს ბანკი (შემდგომში „გარანტი“)

გარანტის საიდენტიფიკაციო კოდი: 204378869

გარანტის მისამართი: გაგარინის ქ. #29ა, თბილისი, 0160, საქართველო

პრინციპალი: შპს არტსტუდიო-პროექტი (შემდგომში „პრინციპალი“)

პრინციპალის საიდენტიფიკაციო კოდი: 204489393

პრინციპალის მისამართი: საქართველო, ქ. თბილისი, ძველი თბილისის რაიონში, გ.ტაბიძის ქ. 3/5

ბენეფიციარი: აჭარის ავტონომიური რესპუბლიკის ფინანსთა და ეკონომიკის სამინისტრო (შემდგომში „ბენეფიციარი“)

ბენეფიციარის საიდენტიფიკაციო კოდი: 245429200

საგარანტიო თანხა: 22,715 (ოცდაორი ათას შვიდასთხუთმეტი) ლარი

მხედველობაში ვიღებთ რა, რომ პრინციპალი აფორმებს ხელშეკრულებას მაჭახელას ხეობის ეთნოპოლიის ქალაქმშენებლობითი დოკუმენტაციის (განვითარების გეგმა-კონცეფცია) შედგენის მომსახურების მიზნით. შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ, გარანტი, თანახმა ვართ გავცეთ პრინციპალის სახელზე აღნიშნული უპირობო და გამოუღებავი საბანკო გარანტია.

ანასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე პრინციპალის სახელით საერთო თანხაზე, არაუმეტეს ჯამში 22,715 (ოცდაორი ათას შვიდასთხუთმეტი) ლარი და ეკისრულობთ ხელმოწერით „ხელმოწერით თანხის, გადახდას პრინციპალის მიერ ხელშეკრულების პირობების დარღვევის შემთხვევაში ბენეფიციარის წერილობითი მოთხოვნის წარმოდგენის საფუძველზე“.

ბენეფიციარის წერილობითი მოთხოვნა თანხის ანაზღაურებაზე წარმოდგენილ უნდა იქნეს ბენეფიციარის შირიდან აღნიშნულ დოკუმენტზე უფლებამოსილი პირის მიერ ხელმოწერილი ფორმით, სადაც მითითებულ იქნება მოთხოვნილი თანხა ციფრული და სიტყვიერად, საბანკო რეკვიზიტები და განმარტებული უნდა იყოს კონკრეტულად პრინციპალსა და ბენეფიციარს შორის გაფორმებული ხელშეკრულების რა პირობები იქნა დარღვეული პრინციპალის მხრიდან. მოთხოვნასთან უნდა ერთვის მოთხოვნაზე ხელმოწერილი პირის უფლებამოსილების დამადასტურებელი დოკუმენტი (ბანკი უფლებამოსილია არ მოითხოვოს აღნიშნული საბუთი, თუ ხელმოწერილი პირის უფლებამოსილების შესახებ ინფორმაცია საჯაროდ ხელმისაწვდომია) და საბანკო გარანტიის ასლი.

წინამდებარე გარანტია ძალაშია პრინციპალის მიერ ხელშეკრულების პირობების შესრულების საბოლოოდ დამთავრებამდე, მაგრამ არაუგვიანეს: 30 ივნისი 2019 წელი, შესაბამისად წინამდებარე გარანტია მოქმედებს აღნიშნული თარიღის ჩათვლით.

ზემოთქმულიდან გამომდინარე, ბენეფიციარის მიერ წარმოდგენილი წერილობითი მოთხოვნა ორიგინალი დოკუმენტი თანხის ანაზღაურებაზე, გარანტის მიერ მიღებულ უნდა იქნას გარანტიის მოქმედების ვადის ჩათვლით: სს „საქართველოს ბანკი“ სათავო ოფისში, კანცელარიის სამსახურში, გაჭოლის დისანსიტების დეპარტამენტის საყურადღებოდ, თბილისის დროით (UTC / GMT +04: 00 საათი) 17:00 საათის ჩათვლით, შემდეგ მისამართზე: გაგარინის ქ. #29ა, თბილისი 0160, საქართველო.

საბანკო გარანტია ავტომატურად უქმდება ქვემოაღნიშნული გარემოებებიდან ერთ-ერთის დადგენილობის შემთხვევაში:

- საბანკო გარანტიის ვადის გასვლით.
- გარანტის მიერ ბენეფიციარისთვის იმ თანხის გადახდით, რომელზედაც გაიცა საბანკო გარანტია.
- ბენეფიციარის მიერ გარანტიიდან გამოშვებულ თანხის უფლებებზე წერილობითი უარის თქმით.

გარანტის მიმართ საბანკო გარანტიიდან გამომდინარე ბენეფიციარის კუთვნილი მოთხოვნის უფლების გადაცემა/დათმობა სხვა პირისათვის დაუშვებელია გარანტის წერილობითი თანხმობის გარეშე.

წინამდებარე საბანკო გარანტია რეგულირდება საქართველოს კანონმდებლობით.

პატივისცემით,

ფელიქს კეპელა

საერთაშორისო სავაჭრო ტექნოლოგიების სამსახურის უფროსი

ხელწერილი

ინტერესთა კონფლიქტის არარსებობის შესახებ

ჩვენ, ქვემოთ ხელის მომწერნი, „სახელმწიფო შესყიდვების შესახებ“ საქართველოს კანონის მე-8 მუხლის თანახმად ვადასტურებთ, რომ აჭარის ავტონომიური რესპუბლიკის ფინანსთა და ეკონომიკის სამინისტროსა და შპს „არტსტუდიო-პროექტს“ შორის 2018 წლის 21 სექტემბერს გაფორმებული №172 ხელშეკრულებასთან დაკავშირებით, აჭარის ავტონომიური რესპუბლიკის ფინანსთა და ეკონომიკის სამინისტროს სამუშაო ჯგუფი შემდეგი შემადგენლობით: აჭარის ავტონომიური რესპუბლიკის ფინანსთა და ეკონომიკის სამინისტროს სამართლებრივი უზრუნველყოფისა და სახელშეკრულებო მონიტორინგის დეპარტამენტის უფროსის მოადგილე - I სტრუქტურული ერთეულის ხელმძღვანელი - გიორგი მიქელაძე, სამშენებლო ზედამხედველობის განყოფილების უფროსი - II სტრუქტურული ერთეულის ხელმძღვანელი - ზაალ ბაჯელიძე და ურბანული განვითარების განყოფილების უფროსი - II სტრუქტურული ერთეულის ხელმძღვანელი - სულხან მამუჭაძე, არ ვიმყოფებით მიმწოდებელთან ინტერესთა კონფლიქტში.

 /გ. მიქელაძე/

 /ზ. ბაჯელიძე/


 /ს. მამუჭაძე/

21 სექტემბერი 2018 წელი

ხელწერილი

ინტერესთა კონფლიქტის არარსებობის შესახებ

მე, ქვემოთ ხელის მომწერი, „სახელმწიფო შესყიდვების შესახებ“ საქართველოს კანონის მე-8 მუხლის თანახმად ვადასტურებ, რომ აჭარის ავტონომიური რესპუბლიკის ფინანსთა და ეკონომიკის სამინისტროსა და შპს „არტსტუდიო-პროექტს“ შორის 2018 წლის 21 სექტემბერს გაფორმებული №172 ხელშეკრულებასთან დაკავშირებით, აჭარის ავტონომიური რესპუბლიკის ფინანსთა და ეკონომიკის სამინისტროს სივრცითი მოწყობისა და ტექნიკური ზედამხედველობის დეპარტამენტის უფროსი - I სტრუქტურული ერთეულის ხელმძღვანელი - ნუგზარ ძნელაძე არ ვიმყოფები მიმწოდებელთან ინტერესთა კონფლიქტში.



/ნ. ძნელაძე/

24 სექტემბერი 2018 წელი